

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), člana 4. stav 1. Pravilnika o postupcima u provođenju Programa razvoja male privrede za period od 2025. do 2028. godine („Službene novine Zeničko-dobojskog kantona“, broj: 8/25) i Programa utroška budžetskih sredstava u 2026.godini (Subvencije privatnim preduzećima i poduzetnicima - ESCROW) – izvor 30, broj: 02-11-2803/26 od 13.02.2026. godine, na prijedlog Ministarstva za privredu, Vlada Zeničko-dobojskog kantona, na 120. sjednici, održanoj 06.03.2026. godine, d o n o s i

ZAKLJUČAK

I.

Daje se saglasnost na Uputstvo za dodjelu sredstava po Javnom pozivu za sufinansiranje (refundaciju) investicija kod obrta i subvencioniranje obavljanja djelatnosti prema Uredbi o zaštiti tradicionalnih i starih zanata (Subvencije privatnim preduzećima i poduzetnicima - ESCROW), koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26
Datum, 06.03.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za privredu,
1x a/a.



UPUTSTVO
ZA DODJELU SREDSTAVA PO JAVNOM POZIVU ZA SUFINANSIRANJE
(REFUNDACIJU) INVESTICIJA KOD OBRTA I SUBVENCIONIRANJE
OBAVLJANJA DJELATNOSTI PREMA UREDBI O ZAŠTITI
TRADICIONALNIH I STARIH ZANATA
(Subvencije privatnim preduzećima i poduzetnicima-ESCROW)

Zenica, februar 2026. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i

Pravilnika o postupcima u provođenju Programa razvoja male privrede za period od 2025. do 2028. godine („Službene novine Zeničko-dobojskog kantona”, broj: 8/25) ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

UPUTSTVO
ZA DODJELU SREDSTAVA PO JAVNOM POZIVU ZA SUFINANSIRANJE
(REFUNDACIJU) INVESTICIJA KOD OBRTA I SUBVENCIONIRANJE
OBAVLJANJA DJELATNOSTI PREMA UREDBI O ZAŠTITI
TRADICIONALNIH I STARIH ZANATA
(Subvencije privatnim preduzećima i poduzetnicima-ESCROW)

I OSNOV ZA DONOŠENJE UPUTSTVA ZA DODJELU SREDSTAVA PO JAVNOM POZIVU ZA SUFINANSIRANJE (REFUNDACIJU) INVESTICIJA KOD OBRTA I SUBVENCIONIRANJE OBAVLJANJA DJELATNOSTI PREMA UREDBI O ZAŠTITI TRADICIONALNIH I STARIH ZANATA U 2026. GODINI (Subvencije privatnim preduzećima i poduzetnicima-ESCROW)

U skladu sa članom 9. Zakona o poticanju razvoja male privrede („Službene novine Zeničko-dobojskog kantona”, broj: 7/16 i 7/20), Vlada Zeničko-dobojskog kantona je Odlukom, broj: 02-11-11010/25 od 30.5.2025. godine usvojila Program razvoja male privrede Zeničko-dobojskog kantona za period 2025-2028 godina. Programom razvoja male privrede Zeničko-dobojskog kantona su utvrđene: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. Program razvoja male privrede Zeničko-dobojskog kantona je usklađen sa Strategijom razvoja Zeničko-dobojskog kantona 2021.-2027. godina.

Program utroška budžetskih sredstava u 2026. godini - (Subvencije privatnim preduzećima i poduzetnicima – ESCROW) - Izvor 30 donesen je u skladu sa članom 33. stav (1) i članom 52. stav (1) Zakona o izvršavanju budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) i odredbama Zakona o poticanju razvoja male privrede („Službene novine Zeničko-dobojskog kantona”, broj: 7/16 i 7/20). Program je usaglašen sa Strategijom razvoja Zeničko-dobojskog kantona za period 2021-2027 godina, te sa nadležnostima Ministarstva za privredu.

Programom utroška budžetskih sredstava u 2026. godini– (Subvencije privatnim preduzećima i poduzetnicima – ESCROW) - Izvor 30 usvojenog Odlukom Vlade Zeničko-dobojskog kantona, broj: 02-11-2803/26 od 13.2.2026. godine utvrđeni su kriteriji na način da će Ministarstvo za privredu raspisati javni poziv za dodjelu sredstava, u skladu sa Uputstvom za dodjelu sredstava u 2026. godini.

II IZVOR FINANSIRANJA

Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), planirana su finansijska sredstva, ekonomski kod 614500–Subvencije privatnim preduzećima i poduzetnicima – ESCROW - Izvor 30, u iznosu od **1.000.000,00 KM** (milion konvertibilnih maraka).

III UPUTSTVO ZA DODJELU SREDSTAVA U 2026. GODINI

U skladu sa Pravilnikom o postupcima u provođenju Programa razvoja male privrede za period 2025-2028 godina, („Službene novine Zeničko-dobojskog kantona“, broj: 8/25) Ministarstvo za privredu donosi Uputstvo za dodjelu sredstava u 2026. godini.

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu Zeničko-dobojskog kantona za 2026.godinu i Programa rada Vlade Zeničko-dobojskog kantona za 2026. godinu, te u skladu sa Programom utroška budžetskih sredstava u 2026. godini – (Subvencije privatnim preduzećima i poduzetnicima – ESCROW) – Izvor 30, Ministarstvo za privredu je planiralo utrošak sredstava, putem sljedećeg javnog poziva i na sljedeći način:

1. Javni poziv za sufinansiranje (refundaciju) investicija kod obrta i subvencioniranje obavljanja djelatnosti prema Uredbi o zaštiti tradicionalnih i starih zanata.

1. JAVNI POZIV ZA SUFINANSIRANJE (REFUNDACIJU) INVESTICIJA KOD OBRTA I SUBVENCIONIRANJE OBAVLJANJA DJELATNOSTI PREMA UREDBI O ZAŠTITI TRADICIONALNIH I STARIH ZANATA

Ciljevi: Subvencioniranje administrativnih troškova izgradnje proizvodnih objekata, dijela troškova kupovine objekta i osnovnih sredstava, uvođenje/recertificiranje standarda i sistema kvaliteta i obavljanja djelatnosti prema Uredbi o zaštiti tradicionalnih i starih zanata (Službene novine Federacije BiH“, broj: 35/09, 66/09, 38/10 i 16/12).

I Prihvatljivost podnosioca prijave:

Investitori koji svoju investiciju realiziraju u obrtničku djelatnost na području Zeničko-dobojskog kantona i koji su investiciju izvršili nakon registracije obrta, da podnesu Zahtjev za odobravanje i dodjelu nepovratnih finansijskih sredstava osiguranih za subvencioniranje (refundaciju) dijela administrativnih troškova izgradnje objekata, dijela troškova kupovine objekta i osnovnih sredstava, uvođenja/recertificiranja standarda i sistema kvaliteta, kao i obrtnici koji obavljaju djelatnosti prema Uredbi o zaštiti tradicionalnih i starih zanata („Službene novine Federacije BiH“, broj: 35/09, 66/09, 38/10 i 16/12).

a) Pod novoizgrađenim objektom, u smislu ovog poticaja, podrazumijeva se uređeni građevinski prostor površine od 5 do 2.000 i više m², u kojem investitor obavlja obrtničke djelatnosti i za koji je investitor osigurao upotrebnu dozvolu prema Zakonu o građenju izdatu od nadležnog organa nakon 01.01.2025. godine,

b) Pod kupovinom objekta, u smislu ovog poticaja, podrazumijeva se kupovina uređenog građevinskog prostora površine od 5 do 2.000 i više m², u kojem investitor obavlja registrovanu obrtničku djelatnost, nastalu nakon 01.01.2025. godine do dana objave ovog Javnog poziva,

- c) Pod investicijom, u smislu ovog poticaja, podrazumijeva se utrošci nastali zbog, kupovine mašina i opreme (osnovnih sredstava za obavljanje osnovne djelatnosti) uredno evidentirani nakon 01.01.2025. godine do dana objave ovog Javnog poziva,
- d) Troškove uvođenja/recertificiranja standarda i sistema kvaliteta nakon 01.01.2025. godine do dana objave ovog Javnog poziva, a u jednokratnom iznosu do 50% od ukupne vrijednosti uvođenja standarda i sistema kvaliteta, ali ne više od 5.000,00 KM.

II Korištenje sredstava programa

Korisnici sredstava poticaja su obrtnici registrovani u Zeničko-dobojskom kantonu po Zakonu o obrtu i srodnim djelatnostima ("Službene novine Federacije BiH", broj: 75/21) i za koje posjeduju Rješenje za obavljanje djelatnosti izdato od nadležnog organa najmanje 6 mjeseci prije podnošenja zahtjeva po ovom Javnom pozivu.

Korisnici sredstava poticaja za obavljanje djelatnosti prema Uredbi o zaštiti tradicionalnih i starih zanata su sva fizička lica koja posjeduju Rješenje za obavljanje djelatnosti izdato na području Zeničko-dobojskog kantona u skladu sa Uredbom najmanje 6 mjeseci prije podnošenja zahtjeva po ovom Javnom pozivu.

Pravo na dodjelu sredstava imaju obrtnici koji shodno rješenju o obavljanju djelatnosti, imaju registrovanu djelatnost unutar sljedećih dozvoljenih područja:

- Djelatnosti iz područja C Prerađivačka industrija;
- Iz područja G Trgovina na veliko i na malo; popravak motornih vozila i motocikala šifra djelatnosti 45.20;
- Iz područja S Ostale uslužne djelatnosti (šifre djelatnosti od 95.11 do 95.29 i od 96.01 do 96.09)
- Iz područja I Djelatnost pružanja smještaja te pripreme i usluživanja hrane hotelijerstvo i ugostiteljstvo (šifra djelatnosti 56.10)

Pravo na dodjelu sredstava nemaju obrtnici koji shodno rješenju o obavljanju djelatnosti obavljaju sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, kasina i igara na sreću.

Jedan korisnik poticaja može koristiti najviše jednu vrstu poticaja Ministarstva za privredu Zeničko-dobojskog kantona po osnovu javnih poziva objavljenih u 2026. godini na web stranici Vlade ZDK, osim javnih poziva za učešće na sajmovima, manifestacijama i privrednim susretima.

Pravo na dodjelu sredstava imaju obrtnici koji za istu namjenu do datuma podnošenja prijave nisu koristili bespovratna sredstva iz drugih izvora (sredstva nivoa vlasti, donatorska sredstva i sl.).

III Kriteriji za dodjelu finansijskih sredstava i iznos sredstava poticaja:

Podnosiocu će se nakon uredne prijave i procedure odlučivanja odobriti sredstva u jednokratnom iznosu na sljedeći način:

- a) Po osnovu izgradnje objekta za obavljanje obrtničke djelatnosti, obrtniku će se odobriti sredstva prema kriterijima datim u sljedećoj tabeli:

Minimalna površina objekta /m ² /	Iznos sredstava poticaja /KM/
5	800,00

Minimalna površina objekta /m²/	Iznos sredstava poticaja /KM/
20	1.000,00
30	1.200,00
40	1.600,00
50	2.000,00
60	2.400,00
70	2.800,00
80	3.200,00
90	3.600,00
100	4.000,00
110	4.400,00
120	4.800,00
130	5.200,00
140	5.600,00
150	6.000,00
160	6.400,00
170	6.800,00
180	7.200,00
190	7.600,00
200	8.000,00
250	10.000,00
300	12.000,00
400	16.000,00
500 i više	20.000,00

Napomena: Iznos sredstava poticaja 800,00 KM dodjeljuje se za površine objekta u rasponu od 5 do 19,99 m² i navedeno se primjenjuje i na ostale iznose i pripadajuće površine navedene u tabeli.

- b) Po osnovu kupovine objekta, opreme i mašina, kao osnovnih sredstava, za obavljanje obrtničke djelatnosti, a u skladu sa uvjetima (kriterijima) definisanim u poglavlju I ovog Javnog poziva, podnosiocu će se odobriti sredstva u jednokratnom iznosu od 50% od ukupne visine investicije, s tim da iznos ne može biti veći od 20.000,00 KM.

Kupoprodaja objekata, opreme i mašina, kao osnovnih sredstava, za obavljanje obrtničke djelatnosti po ovom Javnom pozivu nije prihvatljiva ukoliko se vrši između povezanih lica i to: isti vlasnik i/ili suvlasnik, vlasništvo i/ili suvlasništvo bračnog druga i/ili osobe koja živi u istom domaćinstvu ili imaju međusobno povezane ili zajedničke investicije, kao ni dokazi troška po osnovu naloga za plaćanje, kompenzacije i cesije.

- c) Po osnovu troškova uvođenja standarda/recertificiranja standarda i sistema kvaliteta u jednokratnom iznosu do 50% od ukupne vrijednosti uvođenja standarda/recertificiranja sistema kvaliteta, ali ne više od 5.000,00 KM.
- d) Po osnovu administrativnih troškova za obavljanje djelatnosti prema Uredbi o zaštiti tradicionalnih i starih zanata dodjeljuju se sredstva u iznosu 1.000,00 KM

(pravo na dodjelu po ovoj alineji imaju i oni obrti kojima su ranijih godina odobrena sredstva po ovom osnovu).

Ukupni iznos sredstava koja će se odobriti korisniku ovog poticaja po osnovama navedenim alinejama: **a), b) i c) ovog poglavlja uvećavaju se:**

- Podnosiocima mlađim od 35 godina, računajući na dan podnošenja prijave, ukupan iznos podsticajnih sredstava se uvećava 20%,
- Ukoliko je vlasnik obrta ženskog roda, ukupan iznos podsticajnih sredstava se uvećava 20%
- Ukoliko je vlasnik obrta invalidno lice, ukupan iznos podsticajnih sredstava se uvećava 20%.

Navedeno uvećanje je moguće samo po jednom od navedenih osnova.

Podnosilac zahtjeva može podnijeti zahtjev samo po jednom osnovu navedenom u alinejama a), b), c) i d).

IV Maksimalan iznos sredstava i druge napomene

Ukupni iznos sredstava koja se mogu odobriti i isplatiti podnosiocu ovog poticaja po osnovu poglavlja III alineje a) ovog Javnog poziva je 20.000,00 KM, po osnovu poglavlja III alineje b) u iznosu od 20.000,00 KM, po osnovu poglavlja III alineje c) u iznosu od 5.000,00 KM, te po osnovu subvencioniranja obavljanja djelatnosti prema Uredbi o zaštiti tradicionalnih i starih zanata u iznosu od 1.000,00 KM. Sredstva su u ovom iznosu ograničena na navedeni maksimalni iznos po više osnova:

- po jednom subjektu – korisniku,
- po više objekata (izdvojenih prostora) registriranih po Zakonu o obrtu i srodnim djelatnostima,
- u okviru jedne godine dana,
- po jednom osnovu iz poglavlja III Javnog poziva, alineje a), b), c) i d),
- po osnovu uvećanja iz poglavlja III Javnog poziva, alineje a), b) i c).

V Potrebna dokumentacija

Svi dokumenti koji se predaju uz obrazac prijave kao dokaz o ispunjavanju kriterija učešća iz ovog poziva, moraju biti originali ili ovjerene kopije, ne starije od 3 (tri) mjeseca računajući od dana objave ovog Javnog poziva.

Uz prijavu (Obrazac u prilogu) na Javni poziv podnosioci prijave (investitori) su obavezni dostaviti original ili ovjerene kopije sljedećih dokumenata:

- Popunjena prijava (svi podnosioci),
- Original ili ovjerena kopija Odobrenja – rješenja za obavljanje djelatnosti prema Zakonu o obrtu i srodnim djelatnostima ("Službene novine Federacije BiH", broj: 75/21), izdano 6 mjeseci prije podnošenja Zahtjeva po ovom Javnom pozivu (svi podnosioci),
- Original ili ovjerenu kopiju Odobrenja - rješenja za upotrebu objekta, izdanu od nadležnog organa, nakon 01.01.2025. godine (odnosi se na podnosioca koji zahtjev podnose po osnovu poglavlja I alineja a) i b) ovog Javnog poziva,
- Original ili ovjerena kopija nedvosmislenog dokaza o utrošcima u osnovna sredstva nastalim u toku realizacije investicije nakon 01.01.2025. godine do dana objave ovog Javnog poziva – faktura (ovjerena ukoliko je kopija) i izvod

iz banke ovjeren od strane banke (odnosi se na podnosiocima koji zahtjev podnose po osnovu poglavlja I alineja b) i c) ovog Javnog poziva. Iznimno, za podnosiocima koji su stalna sredstva i opremu nabavili u inostranstvu i kojima je faktura dostavljena elektronskim putem (e-mail) dostavljaju kopiju fakture sa ovjerenim izvodom iz banke (ovjeren od strane banke), na kojem je vidljiva uplata po takvoj fakturi.

- Original ili ovjerena kopija Uvjerenja o uredno izmirenim direktnim porezima i doprinosima (uvjerenje Porezne uprave Federacije Bosne i Hercegovine) ne starije od tri mjeseca računajući od dana objave ovog Javnog poziva (odnosi se na sve podnosiocima),
- Original ili ovjerena kopija Uvjerenja o uredno izmirenim indirektnim porezima izdato od Uprave za indirektno oporezivanje BiH (ukoliko je podnosilac po Zakonu o porezu na dodatu vrijednost u sistemu, a ukoliko nije, dužan je dostaviti Izjavu da privredni subjekt nije u sistemu PDV-a, ovjerenu od strane nadležnog organa – notar ili gradska/općinska služba) - ne starije od tri mjeseca računajući od dana objave ovog Javnog poziva.

Iznimno, ukoliko do trenutka podnošenja prijave na Javni poziv, podnosilac nije pribavio Uvjerenje o uredno izmirenim indirektnim porezima, podnosilac može aplicirati na Javni poziv uz predočavanje dokaza da je predao zahtjev za izdavanje pomenutog uvjerenja (Zahtjev za izdavanje uvjerenja i virmanska uplatnica za uplatu takse za izdavanje Uvjerenja koja je uplaćena u korist UIO). Podnosioci koji na ovaj način apliciraju dužni su, u roku od 15 dana od dana zatvaranja Javnog poziva, dostaviti traženo uvjerenje Uprave za indirektno oporezivanje na isti način kao što su predali prijavu na Javni poziv, jer će suprotnom prijava biti odbačena kao neuredna (odnosi se na sve podnosiocima),

- Uvjerenje komercijalne banke da je žiro račun podnosioca aktivan, ne starije od 3 mjeseca računajući od dana objave Javnog poziva na web stranici Kantona (odnosi se na sve podnosiocima),
- Original ili ovjerena kopija izvoda iz matične knjige rođenih u slučaju da je podnosilac mlađi od 35 godina računajući od dana objave Javnog poziva na web stranici Kantona (**odnosi se na podnosiocima koji apliciraju po osnovama navedenim u alinejama a), b) i c) iz poglavlja III Javnog poziva, a koji spadaju u ovu starosnu kategoriju**),
- Potpisana i ovjerena Izjava (ovjerena pečatom podnosioca zahtjeva i potpisana od strane ovlaštenog lica) o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sustavu državne pomoći u B i H ("Službeni glasnik B i H", broj:10/12 i 39/20) i Uredbe o uvjetima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Kantona – www.zdk.ba) (odnosi se na sve podnosiocima),
- Izjava pod punom materijalnom i krivičnom odgovornosti da kupoprodaja objekata/ opreme i mašina kao osnovnih sredstava za obavljanje obrtničke djelatnosti po ovom Javnom pozivu nije izvršena između povezanih lica i to: isti vlasnik i/ili suvlasnik, vlasništvo i/ili suvlasništvo bračnog druga i/ili osobe koja žive u istom domaćinstvu ili imaju međusobno povezane ili zajedničke investicije, , kao po osnovu naloga za plaćanje, kompenzacije i cesije. *ovjerena od strane nadležnih organa - notar ili općina/gradska uprava* (odnosi se na

podnosiocima koji zahtjev podnose po osnovu poglavlja I alineja b) i c) ovog Javnog poziva.

- Izjava da do datuma podnošenja prijave nije koristio za istu namjenu bespovratna sredstva iz drugih izvora (sredstva nivoa vlasti, donatorska sredstva i sl.) – *potpisana i ovjerena od strane nadležnih organa - notar ili općina/gradska uprava* (odnosi se na sve podnosiocima),
- U slučaju podnošenja zahtjeva za dodjelu sredstava za kupovinu objekta, podnosilac je dužan dostaviti i: original ili ovjerenu kopiju ugovora o kupoprodaji objekta zaključenog nakon 01.01.2025. godine, original ili ovjerenu kopiju nedvosmislenog dokaza o plaćanju kupoprodajne cijene iz ugovora o kupoprodaji (izvod iz banke ovjeren od strane banke) i original ili ovjerenu kopiju Odobrenja - rješenja za upotrebu objekta (upotrebna dozvola), izdanu od nadležnog organa (odnosi se na podnosiocima koji zahtjev podnose po osnovu poglavlja I alineja b) ovog Javnog poziva),
- Dokaz o uvođenju/recertificiranju standarda i sistema kvaliteta - pod uredno podnesenim dokazom smatrat će se ugovor o uvođenju/recertificiranju (original ili ovjerena fotokopija), račun (original ili ovjerena fotokopija) i izvod iz banke koji je ovjeren od strane banke i na kojem je vidljiva uplata računa (odnosi se na podnosiocima koji zahtjev podnose po osnovu poglavlja I alineja d) ovog Javnog poziva,
- Ukoliko osoba koja podnosi prijavu ima status invalidne osobe, potrebno je dostaviti rješenje o invalidnosti, ili rješenje o radnoj sposobnosti ili neki drugi dokument u kojem je identificiran invaliditet – original ili ovjerena kopija **(odnosi se na podnosiocima koji apliciraju po osnovama navedenim u alinejama a), b) i c) iz poglavlja III Javnog poziva, a koji spadaju u ovu starosnu kategoriju).**

Uz prijavu (Obrazac u prilogu) na Javni poziv podnosioci prijave (za odobravanje poticajnih sredstava namijenjenih za subvencioniranje obavljanja djelatnosti prema Uredbi o zaštiti tradicionalnih i starih zanata) su obavezni dostaviti original ili ovjerene kopije sljedećih dokumenata:

- Popunjena prijava (obrazac u prilogu),
- Original ili ovjerenu kopiju Odobrenja – rješenja za obavljanje djelatnosti prema Zakonu o obrtu i srodnim djelatnostima (“Službene novine Federacije BiH”, broj: 75/21) i Uredbi o zaštiti tradicionalnih i starih zanata (Službene novine Federacije BiH“, broj: 66/09 i 38/10), izdato 6 mjeseci prije podnošenja zahtjeva, računajući od dana podnošenja Zahtjeva,
- Original ili ovjerena kopija Uvjerenja o uredno izmirenim direktnim porezima i doprinosima (uvjerenje Porezne uprave Federacije Bosne i Hercegovine) ne starije od tri mjeseca računajući od dana objave ovog Javnog poziva,
- Original ili ovjerena kopija Uvjerenja o uredno izmirenim indirektnim porezima izdato od Uprave za indirektno oporezivanje BiH, (ukoliko je podnosilac po Zakonu o porezu na dodatu vrijednost u sistemu, a ukoliko nije, dužan je dostaviti Izjavu da privredni subjekt nije u sistemu PDV-a, ovjerenu od strane nadležnog organa – *notar ili gradska/općinska služba*) - ne starije od tri mjeseca računajući od dana objave ovog Javnog poziva.

Iznimno, ukoliko do trenutka podnošenja prijave na Javni poziv, podnosilac nije pribavio Uvjerenje o uredno izmirenim indirektnim porezima, podnosilac može

aplicirati na Javni poziv uz predočavanje dokaza da je predao zahtjev za izdavanje pomenutog uvjerenja (Zahtjev za izdavanje uvjerenja i virmanska uplatnica za uplatu takse za izdavanje Uvjerenja koja je uplaćena u korist UIO). Podnosioci koji na ovaj način apliciraju dužni su, u roku od 15 dana od dana zatvaranja Javnog poziva, dostaviti traženo uvjerenje Uprave za indirektno oporezivanje na isti način kao što su predali prijavu na Javni poziv, jer će suprotnom prijava biti odbačena kao neuredna (odnosi se na sve podnosiocce),

- Uvjerenje komercijalne banke da je žiro račun podnosioca aktivan, ne starije od 3 (tri) mjeseca računajući od dana objave Javnog poziva na web stranici Kantona,
- Potpisanu i ovjerenu Izjavu (ovjerena pečatom podnosioca zahtjeva i potpisana od strane ovlaštenog lica) o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sustavu državne pomoći u B i H ("Službeni glasnik B i H", broj:10/12 i 39/20) i Uredbe o uvjetima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18). (Obrazac Izjave može se preuzeti sa web stranice Kantona – www.zdk.ba),

VI Druge napomene i informacije

Zahtjev koji ne sadrži svu dokumentaciju traženu Javnim pozivom, koji nije pravovremen odbacuje se zbog neispunjavanja formalno-pravnih uvjeta, bez obaveze daljnjeg razmatranja.

Svi dokumenti koji se predaju uz obrazac prijave kao dokaz o ispunjavanju kriterija učešća iz ovog poziva, moraju biti originali ili ovjerene kopije, ne starije od 3 (tri) mjeseca računajući od dana objave ovog Javnog poziva.

Zahtjev koji sadrži dokumentaciju po osnovu koje su podnosiocu odobrena sredstva za izgradnju objekta, kupovinu objekta, opreme i mašina, kao osnovnih sredstava, za obavljanje obrtničke djelatnosti, po ranijim pozivima Ministarstva za privredu/gospodarstvo u potpunosti se odbacuje bez obaveze daljnjeg razmatranja izuzev za podnosiocce kojima su sredstva odobrena po ranijim Javnim pozivima po osnovu subvencionisanja obavljanja djelatnosti prema Uredbi o zaštiti tradicionalnih i starih zanata.

Podnosioci koji podnesu prijavu na Javni poziv po osnovu refundacije investicije u opremu i osnovna sredstva moraju ista imati u svom poslovnom prostoru prilikom provjere od strane Komisije za ocjenu zahtjeva po ovom Javnom pozivu.

Ministarstvo za privredu/gospodarstvo zadržava pravo provjere svih podataka navedenih u dostavljenoj dokumentaciji podnosioca zahtjeva.

Ministarstvo za privredu/gospodarstvo će sa podacima iz zaprimljene dokumentacije postupati u skladu sa propisima o zaštiti ličnih podataka.

Po uredno prispjelom Zahtjevu, Komisija može vršiti uvid na licu mjesta (u slučaju da podnosilac podnosi zahtjev po Poglavlju III alineje a) i b), te na osnovu kriterija naznačenih u Javnom pozivu vrši ocjenjivanje prijava. Komisija sačinjava listu podnosilaca prijava koji nisu uvršteni na listu potencijalnih korisnika sa navođenjem razloga neuvrštavanja, koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona. Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih

sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona.

Vlada Kantona može opozvati donesene odluke zavisno od dinamike priliva budžetskih sredstava.

Na osnovu Odluke za odobravanje i dodjelu finansijskih sredstava namijenjenih subvencioniranju podnosilaca, Ministarstvo za privredu/gospodarstvo će Ministarstvu finansija podnijeti nalog za isplatu poticaja.

U postupku po Javnom pozivu Ministarstvo ne snosi nikakve troškove učesnika Javnog poziva. Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli u cilju apliciranja za određeni poticaj. Dostavljena dokumentacija se ne vraća podnosiocu prijave.

VII Način podnošenja aplikacije

Zahtjev se mora dostaviti u zatvorenoj koverti.

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Zatvorene koverta dostavljaju se lično na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA PO JAVNOM POZIVU ZA
SUFINANSIRANJE (REFUNDACIJU) INVESTICIJA KOD OBRTA I
SUBVENCIONIRANJU OBAVLJANJA DJELATNOSTI PREMA UREDBI O
ZAŠTITI TRADICIONALNIH I STARIH ZANATA
Kučukovići br. 2, 72000 Zenica
S naznakom: "NE OTVARATI"

Prijave dostavljene drugim putem (npr. putem faksa ili e-mail), neće biti uzete u razmatranje.

IV ROK

Javnim pozivom precizirat će se rok za dostavu dokumentacije odnosno krajnji datum dostave dokumentacije.

V KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava kao i Komisiju za izbor banke. Za svoj rad komisija odgovara ministru Ministarstva za privredu.

Po uredno prispjelim zahtjevima, na osnovu kriterija naznačenih u javnom pozivu, Komisija vrši ocjenjivanje prijave. Komisija sačinjava listu podnosilaca prijave koji nisu uvršteni na listu potencijalnih korisnika iz formalno pravnih razloga (sa

navođenjem razloga neuvrštavanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Vlade kantona.

VI POSTUPAK ODOBRAVANJA

Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Vlade kantona. Vlada Kantona može opozvati donesenu odluku zavisno od dinamike priliva budžetskih sredstava.

VII ISPLATA SREDSTAVA - REALIZACIJA POTICAJA

Na osnovu odluka o odobravanju sredstava i/ili potpisanih ugovora sa korisnicima sredstava, Ministarstvo za privredu podnosi naloge za isplatu sredstava Ministarstvu finansija.

Broj: 04-11-2993/26
Zenica, 24.2.2026.godine

MINISTAR
Samir Šibonjić